



[🏠](#) > [Aktuelnosti](#)



Pripadnici Granične policije BiH na području Bihaća, Posušja i Foče spriječili krijumčarenje migranata

Pripadnici Jedinice granične policije Bosne i Hercegovine Izačić, 14. februara 2025. godine na području Bihaća, lišili su slobode trojicu državljana BiH koji se dovode u vezu s krivičnim djelima *Krijumčarenje osoba* i *Nedozvoljeno držanje oružja ili eksplozivnih materija*. Prethodno, pripadnici ove jedinice su otkrili jednog bh. državljanina kako u vozilu *Mercedes*, bh. nacionalnih oznaka, krijumčari šest stranih državljana, tri državljana Republike Turske i tri državljana Afganistana, na području Plješevice.

Daljnjim radom, prema uputama dežurnog tužioca Tužilaštva BiH i sudije za prethodni postupak Suda BiH, u saradnji s pripadnicima Službe za poslove sa strancima BiH, izvršen je pregled i pretres dva objekta na području Bihaća koja koriste dvojica bh. državljana koji se dovode u vezu s gore navedenim krijumčarenjem. Tom prilikom u privatnim objektima pronađeno je sedam državljana R. Turske i tri državljana Afganistana, kao i automatska puška, jedan okvir za municiju s 12 komada puščane municije, pakovanje s 65 komada puščane municije, šest pasoša R. Turske, jedan pasoš, lična karta i dozvola boravka R. Italije te određena količina novca. Nakon što su trojica bh. državljana ispitana u svojstvu osumnjičenih i krijumčareni migranti u svojstvu svjedoka, daljni rad nad krijumčarenim stranim državljanima preuzeli su pripadnici Službe za poslove sa strancima BiH. Pripadnici Jedinice GPBiH Izačić će protiv trojice bh. državljana dostaviti Izvještaj o počinjenim krivičnim djelima Tužilaštvu BiH.

Istoga dana, pripadnici Jedinice GPBiH Gorica su na području Posušja spriječili krijumčarenje šest državljana R. Turske. Navedene državljanke R. Turske je krijumčario državljanin BiH u vozilu *Citroen*, bh. nacionalnih oznaka. Prema naredbi dežurnog tužioca Tužilaštva BiH protiv osumnjičenog bh. državljanina bit će dostavljen Izvještaj o počinjenim krivičnim djelima *Krijumčarenje osoba* i *Sprečavanje službene osobe u vršenju službene radnje*, budući da je pokušao pobjeći te se u više navrata oglašavao na naredbe policijskih službenika za zaustavljanje. Nakon što je stavljen pod kontrolu, ispitan je u svojstvu osumnjičenog, a privremeno su oduzeti vozilo i drugi dokazni materijali. Državljan R. Turske su prekršajno procesuirani u skladu sa Zakonom o strancima.

Uz navedeno, pripadnici Jedinice GPBiH Hum su 14. februara 2025. lišili slobode dvojicu državljana BiH, nakon što su otkriveni u krijumčarenju 12 stranih državljana. Krijumčarenje je otkriveno prilikom nadzora državne granice i kontrolom dvaju putničkih motornih vozila, bh. nacionalnih oznaka, u graničnom pojasu na području Foče. Prema naredbi dežurnog tužioca Tužilaštva BiH, protiv osumnjičenih bh. državljana bit će dostavljen Izvještaj o počinjenom krivičnom djelu *Krijumčarenje osoba*, dok su vozila i drugi dokazni materijali privremeno oduzeti. Strani državljan R. Turske nisu posjedovali identifikacione dokumente, a u Upitnicima za migrante su izjavili da dolaze iz Egipta. Budući da je utvrđeno da je svih 12 stranih državljana maloljetno, o događaju su obaviješteni službenici Centra za socijalni rad Foča koji su, uz pripadnike Službe za poslove sa strancima, nastavili daljnji rad na ovom slučaju.



Vozilo u kojem su krijumčareni migranti na području Bihaća



Zaplijenjeni predmeti tokom pretresa u Bihaću

COVID-19 Prelazak državne granice Bosne i Hercegovine	>
PRIJAVE GRAĐANA (žalbe, korupcija, prekogranični kriminal)	>
ZAKON O SLOBODI PRISTUPA INFORMACIJAMA Vodič: kako do informacija	>
NAJČEŠĆE POSTAVLJENA PITANJA	>
JAVNE KONSULTACIJE	>



[O nama](#)
[Propisi](#)
[Informacije za građane](#)
[Odnosi s javnošću](#)

[Oglasi](#)
[Javne nabavke](#)
[Fotogalerija](#)
[Kontakti](#)

Pratite nas na društvenim mrežama

